

## KENYATAAN MEDIA

No.8/2009

### **BIASISWA TAJAAN KERAJAAN JEPUN 2010 (MONBUKAGAKUSHO: MEXT) SARJANA MUDA & SARJANA**

Kedutaan Jepun di Malaysia dengan sukacitanya mengumumkan bahawa Biasiswa Tajaan Kerajaan Jepun (Monbukagakusho: MEXT) bagi tahun akekami 2010 untuk program Sarjana Muda (Undergraduate) dan Sarjana (Postgraduate) adalah dibuka untuk permohonan bermula dari **2 Mac – 7 April 2009**. Rakyat Malaysia yang berkelayakan yang ingin melanjutkan pelajaran mereka di Jepun adalah dipelawa untuk memohon. Semasa tempoh biasiswa, elaun bulanan anggaran sebanyak 134,000 yen (ang. RM4,500) akan diberikan kepada penerima biasiswa Sarjana Muda, dan 172,000 yen (ang. RM6,000) untuk penerima biasiswa Sarjana (jumlah adalah tertakluk kepada perubahan). Yuran untuk peperiksaan kemasukan universiti, matrikulasi dan tuisyen di universiti adalah dikecualikan. Tiket kapalterbang pergi-balik juga disediakan.

Biasiswa ini dibahagikan kepada dua (2) kategori:

#### **1. Program Sarjana Muda (kursus ijazah sarjana muda 5 – 7 tahun bermula dari April 2010)**

- a) Pemohon mestilah berumur antara 17 hingga 22 tahun pada 1 April 2009 (dilahirkan antara 2 April 1988 dan 1 April 1993)
- b) Pemohon mestilah tamat SPM atau O-level dan mempunyai sekurang-kurangnya 11 tahun pendidikan formal (TIDAK TERMASUK KELAS PERALIHAN). Pelajar STPM (rendah/atas) dan mereka yang akan mengambil peperiksaan A-level, UEC, Matrikulasi atau Diploma pada tahun ini juga layak memohon (dengan syarat keputusan peperiksaan diketahui pada Mac 2010).
- c) Pemohon mestilah mahir dalam Bahasa Inggeris dan mempunyai keputusan cemerlang di dalam subjek major yang lain.

#### **2. Program Sarjana (kursus 1½ tahun atau 2 tahun bermula dari April atau Oktober 2010)**

- a) Pemohon mestilah di bawah umur 35 tahun pada 1 April 2009 (dilahirkan pada atau selepas 2 April 1975).
- b) Pemohon mestilah mempunyai ijazah sarjana muda (keutamaan bagi Kelas Pertama dan Kelas Kedua Atas) dan mempunyai 16 tahun pendidikan formal (TIDAK TERMASUK KELAS PERALIHAN). Siswazah sarjana muda yang berada di tahun akhir pengajian di universiti juga layak memohon.

Bagi **kakitangan kerajaan Malaysia** yang ingin memohon untuk **program sarjana**, permohonan hendaklah dibuat melalui **Jabatan Perkhidmatan Awam (PSD)**. Untuk maklumat lanjut, sila hubungi PSD di talian 03-8885-3413 (Encik Zulhelmi Zakaria).

Borang permohonan untuk **Sarjana Muda dan Sarjana** boleh diambil dari Kedutaan Jepun atau dicetak dari laman web Kedutaan Jepun ([www.my.emb-japan.go.jp](http://www.my.emb-japan.go.jp)). Selain dari itu, pemohon juga boleh menghantar **Sampul Surat Beralamat Sendiri** beserta **stem 50 sen** pada sampul surat tersebut kepada Japan Information Service, Embassy of Japan, No. 11 Persiaran Stonor, Off Jalan Tun Razak, 50450 Kuala Lumpur. Sila nyatakan permohonan untuk **Sarjana Muda** atau **Sarjana** pada sudut atas kiri sampul surat. Jika tidak, permohonan anda tidak akan dilayan.

Pemohon hendaklah memastikan bahawa permohonan yang lengkap dihantar sebelum tarikh tamat permohonan. **PERMOHONAN LEWAT TIDAK AKAN DIPERTIMBANGKAN**. Untuk maklumat lanjut, sila layari [www.my.emb-japan.go.jp](http://www.my.emb-japan.go.jp).

Perkhidmatan kaunseling pengajian tinggi di Jepun disediakan di seksyen Japan Information Centre (tingkat atas Kedutaan Jepun) pada hari Selasa, Rabu dan Khamis setiap minggu dari 10 pagi ke 12 tengah hari (kecuali cuti umum). Kedutaan Jepun mempelawa mereka yang berminat untuk membuat sebarang pertanyaan mengenai pembelajaran di Jepun di sini atau melalui talian 03-2177-2785 pada masa tersebut.

Kuala Lumpur  
28 Feb 2009